

الرشاد

س ١٠٠٠ ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميدر
اتبعون اهدكم سبيل الرشاد
صاحب ومدير مسئول : ح : اشرف اديب

اولمیرنی آرزو ایتدک . اولر جناب فیاض قدیرک کتاب کریمده :
« قاتلوهم بعدہم اللہ » و « ان اللہ اشتری من المؤمن انفسہم
واموالہم بان لہم الجنة . . . » اولدیفنی درخاطر ایدرک دشمن دین و وطن
ایله بتون عزملریله ، بتون وارقلریله اوغراشه جقلدر .
زده انشاء تعالی یقینده سزه قاووشه جغز و مجاہدین اسلامیه
میاننده بولنقله افتخار ایلیه جکیز .

مهر

المقتبس النور القدوسی احمد بن محمد
الشریف الادریسی الحسینی السنوسی

- برنجی نومروسنک مندرجاتی :
- (۱) اسلامیتک اون اوچ عصرلق سیاستی . محوری (یقینده اسلامیت
ایله مشرف اولان ژاپون اشرافندن) بارون هیکو .
 - (۲) ژاپونلرک اسلامیتہ نظری و حال حاضرده کی موقی . محوری :
حسن مرشد .
 - (۳) اتحاد اسلام . محوری : « احمد منیر رشید »
 - (۴) شرقده قرآن شریف . محوری : « محمد برکت اللہ »
 - (۵) سوسیالیزم و اسلام . محوری : « لویز نیکل »
 - (۶) طرابلس غرب محاربہ سنک عالم اسلامہ تأثیری .

شیون

بیاننامہ مشیختپناہی . — دین مبین اسلامک تسترنسوان حقندہ کی
احکامی نیجه منافعی جالب و بونجه مفاسدی مانع و سالب اولوب حتی
آوروپا حکما سنندن بر جوقلری طرفندن دخی تقدیر ایدلیدی حالده
زده بو وظیفہ دینیہک و بونک اوزرینہ تأسس و تقرر ایدن عادات
مستحسنہ ملیہک کوندن کونه اهمیتندن اسقاط ایدلمکده اولدیفنی کمال
تأثرله مشاہدہ اولنقدہ در . نسوان مسلمہک تستر مقصدیلہ من القديم
استعمال واکتسا ایتکده اولدقلری چارشفلرک شکلی رفتہ رفتہ تغییر
ایدرک برمدتدیری مودہ تیباً اکتساب ایلدیکی شکل و صورت عقلی
باشنده اولانلرک جملہ سنی تأثیرات عمیقہ به دوچار ایدیور . ناموس
وحیثیتی ، عفت و عصمتی محافظہ قیدده بولنان اسلام خانلربنک
دنیاہدہ اک بیوک فناقلری جالب و دار آخرتہ سؤل و عذاب الہی
مستوجب اولان بو کبی حالردن توفی ایللری نہ درجہ لردہ واجب
ایسہ بز ارککلرک دخی ارباب ناموس نظرندہ چیرکین کورلدیکی
شہہ اولیان بوکبی مودہ لرلہ کیت کیدہ دائرہ ادبدن خارجه جیقمق
ایستیان زوجات و بناتمزه حدود شرعیہنی تلقین و تفہیم و قوق العادہ
محافظہ سی هرکسہ واجب اولان عادات ملیہ رعایتی توصیہ و خلافی
حرکتده بولنانلری تأدیپ و منع ایلککلرکمز اقتضا ایدر . ملنک مطلوب
اولان ترقیسی آداب دینیہ و عادات مستحسنہ قومہک حسن محافظہ سیلہ
قائم اولوب حتی ژاپون قومنک اوتوز قرق سنہ طرفندہ ایشیدیلان ترقیات
خارقه نماسی بوسایہدہ میسر اولمشدر . بزبوحقیقتلردن غافل ، هوا و هوس
نفسانینک ایجاباتہ مائل اولورسہق امید ایتدیکمز وجداً محتاج اولدیغمز
ترقی و تعالی یابدل کنام اولمقلغمز مقرر در . ممالک عثمانیہدہ طائمش اولان
ادیان اربابی کندی مذهبیرنک آداب و ایجاباتی اجرا ایله مکلف اولوب
بوکا مخالف حرکاتک ممنوعیتی دخی قانون جزانک طقسان طقوزنجی
مادہ سنک اوچنجی ذیلی موجینجه با ارادہ سنیہ اتخاذ و اعلان ایدیلان
مقررات ایله بوکرہ حکومت سنیہ عثمانیہ جه تأیید ایدلش و بو فقرہ
مذکورہ به تماس ایدن جرائمک تعقیبی و مرتکبلری ایچون محاکم

فطیون

طرابلس غربک مسلمانلرجه اهمیتتی

و

ایتالیانک آوروپادہ مسلمانلری بوغرق املی

« طرابلس غرب کرک عثمانلیق ، کرک عالم اسلامیت ایچون فوق العادہ
مهم بر مرکزدر . آفریقای وسطی ایچنه مدنیت و افکار اسلامیهک
انتشاری امرندہ طرابلس یکانہ بر قبو ، برنجره اوله رق قالمش ایدی .
آنک ایچون طرابلس ، مستقبل اسلامیت طولایسیلہ غایت مهم بر
نقطہ در . واقعا انکلتزه ایله فرالسه بر معاهدہ ایله طرابلسک هینترلاندینی
یعنی کیریسنی کسمشلر ایسده طرابلس ینه اسلامیتک مدخلی اولق
وظیفہ سنی ایدہ بیلورردی . با خصوص مسموعاتمز طوغری ایسہ
ایتالیا طرابلسک بو خدمت مدنیہ اسلامیه سنی نظر دقتہ آلہ رق سرد
ایتدیکی شرائط آرہ سندہ حریت مذهبیہ متعلق بر قید قویمیش . بو حریتی
(Liberté individuelle) یعنی شخصی و فردی بر حریت اولق اوزره
سرد ایلش ! دیمک که جماعتجه ، اداره جه بر حریت طائمیور . مؤسسات
دینیہ تشکیلاتی حقندہ غایتله احتیاطلی طاورانیور . ایتالیا کنندیسنہ
جواب رد ویریلہ جکندن قطعاً امین اولدیفنی حالده آکلاملی که حریت
مذهبیہنی بیلہ تقیید ایتک ایستہ بور ، دیمک اولیور که معاذاللہ طرابلس
غربک ایتالیا النہ یکمسی فرض ایدلسہ آرتق سنوسی هیئتلرینہ مساعدہ
ایدلیه جک . بو ایسہ حا کیت دینیہ اسلامیه بی ضعفہ دوشورمک ایچون
دوشونلش برشیدر »
« اقتحام »

—————

« توکیوده » اسلام غزته سی

بوکرہ ۲۰ شباطدن اعتباراً ژاپونیہدہ ژاپون لسانندہ « اسلام »
نامیلہ فلسفی ، دینی بر غزته نشرینہ یاشلانمشدر .

بنغازی :

۲۰ شباط . — شباطك يكرميسندم بنغازی جوارنده قوچنات استحكامانندن چيقيش اولان قولزك صباحين باراقلارندن چيقيش دشمن عسكری اوزربنه آچديني آتشدن دشمنه اوچيوز قدر تلفات وبردیرلدي . بزدن يالكز ايكي بارهلی وارد . ايتاليانلرك قوللاندقلى عرب حيوانلارندن يك چوق باركیر ، دوه ، استر وساير اشيا آلمشدر .

۲۸ شباط . — شباطك يكرمى سكرنجي كيجهسى ايكي بيك كشيكل بر مفرزه من طرفندن قوناهات استحكامنه اجرا ايديلن هجوم بتون كيجهدوام ايتمشدر . دشمنك قونى اوج الاى پياده ايكي حرا بطاريه سيله ايكي متراليوز بلوكندن عبارت ايدى . استحكامانده كي اون بش سانيتمرك دشمن طوليرى دخى بو محاربهده استعمال ايدلمشدر . دشمن بر حرا محاربه سنى آچيقدن ترك ايله استحكاماته التجا ايلش ايسهده طوپ آتشي آلتندم بوطوليرى آلق قابل اولممامشدر . دشمنك فرق ايكي صابط اولق اوزره بيكي متجاوز تلفاتى وارد . بزدن پياده ملازم اولى مصطفى افندى ايله برابر يوز يكرمى شهيد ، پياده يوزباشيسى حسن افندى ايله برابر االى بش مجروح وارد . طوپ آتشي حمايه سى آلتندم طيشارى چيقيمه جسات ايدن دشمن بو محاربه دن صوكره آرتق باشى استحكامانندن چيقارممامشدر .

۲۹ شباط . — شباطك يكرمى طقوزنجي كيجهسى ينه بنغازيده اجرا ايديلن كوچك بر باصقينه دشمندن برچوق قازمه ، كورك ، تلفون تللى ، تلغراف تللى اغتنام ايدلمشدر .

درنه :

۶ مارت . — درنده مارتك التنجي كيجهسى فرق كشيكل بر مفرزه من كندى استحكاماتك يدي يوز مترو ايلروسنده دشمن طرفندن حفر ايديلن آوجى سپرلرني اشغال ايله على الصباح مذكور سپرلده بريسنك اوزرلرندن كن دشمنه آتش ايدرك التى كشيلى اتلاف ايلمشدر . دشمنك استحكاماتى كريسنه طوبلامقده اولديني بيوجك قوتلره كوه نهرك اون طقوز شباطده اولديني كي بتون قوتيله محاربهده ايشدار ايدمجي كن اولنه رق احضارائده بولنلمش ايسهده دشمن پياده سنى استحكامانندن خارجه چيقارممامش ويالكز طوبچيسيله بتون كون آتسه دوام ايلمشدر . بزدن اوج شهيد و اوج مجروح وارد . دشمنك قوه معنويه سى بسبتون بوزولمشدر .

مصر :

مصر عثمانيلرنيك علو جنابى . — والده خديوى امينه خانم افندى حضرتلى طرفندن اولجه دفعاتله طرابلس وبنغازيده مجاهداتله مشغول اولان غزات اسلاميه لازم كن مأكولات وملبوسات ارسال اولنديني كي بوكرده كنديلرته بازلق طاقلرينك اعمال وارسالنه نشيت ايدلمشدر . مشار اليهانك ارسلانچيسنه اولان بو تشيقات خيرخواهانلرته قارشو هموم مصريلر طرفندن (ا . الحسين) لقبى وريلمشدر ، كه مشار اليها حضرتلى بو لقبى بحق احراز بيورمشلدر .

جزائر :

جزائرده تظاهرات اسلاميه . — پارى ژورنال « غزنه سته جزائرده بولسان مخابري طرفندن بازلديغنه كوره طرابلس غريمده كي عثمانلى مجروحيني

جزائيه جه جزا ترتيبده مقرر بولنمشدر . بو بابده تعقيات قانونيه به دوجار وقران وامثالى مياننده شرمسار اولماق ايجون نسوان مسلمنه كن ايجابات شرعيه دائره سنده كستره رعابت و آليش وريش بهانه سيله تهمت موقعلرينه كيروب چيقيمدن محابيت و عائله رئيسلرينك ده بو خصوصه كي اوامر دينيه و آداب مليه دائره التزام واهتمام و دقت ايللري لزومى اهالى محترمه به صورت مخصوصهده توصيه و اخطار اولنور .

« هلاك احر » ك نائيتي . — شرفصادر اولان اراده سنيه حضرت پادشاهى اوزربنه باش قادين افندى حضرتلى هلال احر جمعيتك قادينلر قسمى رياست فخرية سنى لطفاً درعهده بيورمشلدر .

شيخ سنوسى به هديه شاهانه . — طرف ذيشرف پادشاهيندين شيخ سنوسى حضرتلرته امدا بيوريله جق مرصع قليجك اوزرنده السيف المرصع المهدي من الخليفة الاعظم الى الشيخ محمد السنوسى « جمله سى محرر بولنه جقدر .

تزيد شخصيات حقنده قانون موقت . — ايتاليا حريك دوامى مدتيه طرابلس غرب ولايتله بنغازى سنجاغنده بولنان ارکان واسراى عسكريه ماهيه معاشلرينك ربى مقدارى و قول اغالى و يوزباشيله اوچر يوز وملازميله ايكي يوز اليشر غروش ضميمه اعطلا اولنه جقدر . مسووين عسكريه شخصياتجه معادلى اولان ربه ضامنى ورييلور .

ابن الرشيد حضرتلرينك علو جنابى . — شو صوك كولرده ايتاليانلرك بيرونى بومباردمان ايللري اوزربنه جيل اميرى (ابن الرشيد) حضرتلى صوك درجه متأثر ومنفعل اولمش و عربستان طريقيه كندى قبائلى افرادنده بيكارجه اشخاصك سوريه اعزام ايللرينى دوشوننه رك كيفيت سوريه واليسنه اشعار ايلمشدر .

دولت عليه - ايتاليا محاربه سى :

آتيده كي معلومات دارالحريده بولنان دومانلرك اشعارى اوزربنه حريه نظارتى طرفندن عثمانلى آژانسنه تبليغ ايدلمشدر :

طرابلس غرب :

۳ مارت . — شهر حالك اوچنجي كوني آقشامى ايكي يوز كشيكل بر عثمانلى مفرزه سى ، دشمنك فرق قاريش استحكاملرته هجوم ايله استحكامات اوكنده كي تل اوركولرته قدر تقرب و اوراده بر بحق ساعت قدر آتش ايله دشمنى تعجيز ايتش وايكي حرب كوپكنى اتلاف ونوچي قلعليله تل اوركولرينك بر قسمى تخريب ايلمشدر . دشمنك تلفاتى معين اولنه مامشدر . بزدن درت شهيد واون مجروح وارد .

۵ مارت . — مارتك بشنجي كوني دشمنك قابل سوق بر بالونى اردوكلر ييز اوزرنده طولاشه رق اون بومبا آتش ايسهده توجه ايديلن ميترايوز آتشندن طولابى چكلكه مجبور اولمشدر . دشمن فرق قاريش استحكامانندن منظور اوزرنده كي قره غولمه طوغرى طوپ انداخ ايتمشدر .

۷ مارت . — بوكون سكونت خلدار اولممامشدر . يالكز دشمنك ايكي قابل سوق بالونى اردوكلر ييز اوزرنده طيران ايله اوتوزه قريب بومبا آتشدر . بو بومبارك عسكريز اوزرنده هيچ بر تأثيرى كورلمش ، آنجق اهاليدن درت ياشنده بر چوچق بومبا پارچهليله مقتول دوشوب ديكر بر چوچق ده مجروح اولمشدر .

(اسوه) مملکتند جلب ایدیلن ژاندارمه ضابطانک ایران حکومتی طرفندن شیرازه اعزام اولندقلری جواباً سویلمشدر.

مسلمانلر چارپشپور، اجنیلر قازانیور. — آژانس رویتر «ک» طهراندن استخبار ایدیور: شاه سابق طرفدارانی ایله مشروطیتپروران یئلرنده «مشهد» ده غایت شدتلی برمصاحمه وقوعکیش و روسیه قونسولسلفی طرفندن اداره عریفه اعلان ایدلمشدر.

اعانه حربیه. — کرمشاهده بولنان اهلای اسلامیه طرفندن طرابلسده کی اسلام مجاهدلی ایچون سکسان لیرا اعطا ایدلمشدر.

فرانسه:

موسیو ژورس وعالم اسلامیت. — فرانسه مجلس مبعوثانی اعضاسندن (موسیو ژورس) طرفندن شو صوک کونلرده کرک عالم اسلامه و کرک فرانسه یه تعلق ایدن دکرلی مطالعات درمیان ایدلمشدر. مشارالیه هندستان مسلمانلریک انکتره دولته ویرمش اولدقلری محضر عمومی موضوع بحث ایدرک نقطه نظری عالمانه ومدققانه بر صورتده اثبات ایتشدر. ایام اخیرده بین الاسلام بر تکافل عمومی حاصل اولمش اولدیغی بومناسبتله فرانسه حکومتانک عالم اسلام محبتندن اوزاقلاشماسی لازم کلدیکنی بر لسان مؤثرله توصیه ایدلمشدر. عالم اسلامیتک بکوجود بر کتله سیاسی حالنده بولندقلریه قویاً قانع اولدیغی موسیو ژورس بیان ایتشدر. مسلمانلرک اسکیمی کی او بومدقلری قناعت بخش بر صورتده اثبات ایدن خطیب مشارالیه بوجمعه انسانیتک دین مبین ایل قرآن شریفک احکام و آیات لایتغیری سایه سنده ایلروده شایان تعجب بر صورتده تعالی و ترقی ایلجه جکلری و ترقیات واقعلریه بوندن صکره اورویا دولتلری طرفندن هیچ بر صورتله ممانعت ایدیللمیه جکفی قویاً مأمول ایتدیکنی ده اتمام ایدلمشدر.

المانی:

اسلامیت حقنده تبعاعده بولنق اوزره تشکل ایدن یکی بر آلمان جمعیتی — اوسمانیشر لویدده اوقوندیغنه کوره برلینده بقین زمانده اسلامیت حقنده تبعاعده بولنق اوزره بر جمعیت تشکل ایتشدر. بوجمیتک غایبی، عالم اسلامک موقع دینی واجتماعی حقنده اجرای تبیع ایله نشریاتده بولنق در. بوجمیت نشر ایتدیکی بریانشنامهده واقع اوله جق تبعاعی، نشر ایدمجه کی بیانشنامه لایله اعضالریه ییلدیرمجه کی وبالاخره بر کتبخانه تأسیس اولنرق ممالک اسلامیه ده کی آثار منتشره جمع اولنجه جق بیان ایتشدر.

هندستان:

هندستان شیعیلریک یمین وقسملری. — کالکوتده فارسی المباره انتشار ایدن اسبوعی (جبل المین) غزنه سنده مطالعه اولندیغنه نظراً بحف و کر بلا ایله عتبات عالیاته بولنسان شیعی المذهب دین قارده شلر مرکز رؤسای روحانیلری اولان (حجج اسلامیه) طرفندن اخباراً یکیدن اصدار اولنان اواصر وقتاوده «عموم کره ارض اوزرنده بولونان جعفری المذهب مسلمانلرک ایتالیا و روسیه دولتین متجاوزینلری حقنده بوقوتناز اجراسی اکیداً توصیه واعلان ایدلیدی و مددور کمیونک دیناً و شرعاً هر مسلم و مسلمیه اوزرنده فرض و واجب بولندیغی صراحة ذکر اولمشدر. بناء علیه جبل المین غزنه سی بر قسمنامه صورتی طبع و ترتیب ایدرک ایتالیا نجه و روسجه لسانلریله امته و تجارتیه قارشونفرت و بوقوتناز اجرا ایتک ایستیلرجه اولوجهله یمین ایللری لزومی تفهیم اولمشدر. بو آنه قدر هندستان شیعیلرندن بیکارجه ذوات مذکور یمینه تبعیت واشتراك ایشلردر. مذکور غزنه قسم ایدنلرک اسملری نشر ایشدر.

لنده اولق اوزره هلال احمر هیئت طرفندن جزائرده کشاد ایدلمش اولان اطانه، بیوک برشوق و مسرت ایله تلقی ایدلمشدر. بالجله جزائر مسلمانلری طرابلس غرب مجاهدلریه معاونت کوسترمک ایچون کال علوجناب ایله بذل اعانات ایدلمشدر، (قسنطنین) ده کی هلال احمر هیئت فرانسه نک درسمات سفیرینه ایلک دفعه به مخصوص اولق اوزره یوز بیک فراتی اعانه کوندرمشدر. شیمیدی به قدر جمع ایدیلن مبالغ بالکنز (قسنطنین) ولایتنده یوز الی بیک فراتی درجه سنی بولمش و هر طرفندن اعانات کلکده بولنشدر. کرک شهرلرده و کرک جوللرده اقامت ایدن بالجله هر بیکرک طوبلادقلری مبالغی کال ساحتله اعطایه شتاب ایتلری، مشکل ساعتلرده بر برلریه مظاهرت و معاونت کوسترمک بیلدکلری اثبات ایدیور.

عموم آفریقا قالیور. — جزائر امیر نامداری سید عبدالقادر زاده علی افندی حضرتلری طرفندن داخلیه نظارتیه دهیاندن وارد اولان بر تلغرافنامهده مجاهدین عربی، عموم ملت اسلامیه یی استحقاق و خلیف رسول امیر المؤمنین افندی بیکرک حقوق شاهانه لریه تعرضه اجتناسار ایدن دشمنی ممالک شاهانه دن دفع و تنکیله دعوت ایتک اوزره سید سنوسی حضرتلری طرفندن آیات واحادیث نیویه ایله موشح بیانشنامه ل توزیع ایدلیدیکی بیان و بنغازیدن طرابلس غربیه قدر اجرا ایدلیدیکی سیاحتده بوللرده تصانف ایتدیکن عموم سکایا وعشائرله قونوشدینی و بیکارجه مجاهدینک صحنه حربیه قوشق اوزره بولندیغی درمیان ایدلکده در. مشارالیه تلغرافنامه سنده قوه معنویه نک ایت یوکست بر درجه یه واصل اولدیغی تأمین و بشیر ایتشدر.

بلغارستان:

بلغارستانده حریت ادیان. — بلغارستان داخلنده بورغاز قصبه سندن کوندریل بر مکتوبه نظراً شهر مذکورده کی رشیدی واعدادیه مکتبلریه دوام ایدن مسلمان چوجوقلری باشلریه شایقه کیمکدن امتناع ایتکلری جهته مکتبدن طرد ایدلمشدر. کال حیرت و تأسف ایله خبر آلدیغیز شو وقعه حریت ادیان بلغارستانده نصلر طایت ایدلیدیکنه دایر بر فکر کافی و بره ییلر.

ایران:

ایران وقومشولری. — ایران حکومت حاضره سی، انکلیز - روس فوطه سته ویردیجی جوابده درت میلیون آردس اعطاسیچون دول مشارالیه طرفندن سرد ایدیلن شرائطی قبول ایدلیدیکی بیان ایتشدر. حکومت مشارالیه، کندی بولتیقه سنی (۱۹۰۷) تاریخی انکلیز - روس ائتلافی اساسلریه تألیف ایتکی تمهد ایدرک ائتلاف حاضره ویریلن تأمیناتی نظر دفته آلدیغی ده سرد واثان ایدلمشدر. ایران حکومتی، اردونک احتیاجات مملکته صالح بر صورتده تنسیق و اصلاحی کندی طرفندن تعقیب اولنجه جق پروگرامک نقطه اساسیه سی تشکیل ایتشدر اولدیغی علاوه درمیان ایلکده وشاه مخلوع ایل برادری آرتق ایراندن مفارقت ایدرک معیتلری عساکری طاغیدلمش اولدیغی جهله ایرانک سرعت ممکنه ایله عساکر اجنبیه دن تخلیه سی امرنده ایکی دولت مصلحتک مظاهرتده بولنجه جقری خصوصنده اظهار امید ایل جوابنامه سته نهایت ویرمکده در.

ایران جنوبی و انکلیز عوام قاره سی. — عوام قاریسی اعضاسندن (کولونلریات) طرفندن ایران جنوبی احوالی حقنده شایقه ناظری (سیر ادوار غمری) به بعضی سؤالار ابراد اولمشدر. شیراز - اصفهان بوللرنده شو صوک زمانلرده انکلیز مؤسسات تجاریه سی طرفندن ارسال اولنان طقسان بیک انکلیز لیراسی قیمتده کی اموال تجاریه نک ایران اشیاسی طرفندن سرقت و یاغما اولندیغی کولونلریات بیان ایدلمشدر. ادوار غمری، وقایع مذکورده یی تصدیق ایتدن صکره، ایران جنوبی احوالک پیدرپی کسب صلاح ایدمجه کنه قناعت ایتدیکنی وحوالی مذکورده آسایش وامینک تقریری ایچون

مجاهدين اسلاميه به صرف وتوزيع اولفق اوزره اعاتات تقديه جمع ودرجه نشبت اولمشدر . بوقدرلده اکتفا اتمهين حيتمدان اسلاميه ، آبروجه ميدان حرب وجهاده مجروح اولان غازيان اسلامک امرتداويلرينه باقيلمق ايجون بر هلال احمر جمعيتک اعزامنده قرار ویرمشلردر .

اسلاميت عنعنه سيله ايلريليور . — ينه بالاده اسمی سبق ایدن جريده اسلاميه نك باش مقاله سنك ماآندن مستبان اولدینی اوزره ۱۹۰۹ سنه ميلاديسندن بوآنه قدر عموم ژاپونیا مالککنده دين ميین اسلام حقیله انتشار ایتکه باشلادینندن بوآنه قدر بوزلرجه ذوات شرف اسلاميته مشرف اولدقلری کي . بوندن صکرده دیانت مقدسه اسلاميه ايله شرفیاب اولهيه حاضر و مستعد اولان پک جوق کیمسه لر طرفندن قواعد اسلاميتک دنه وحقایقی اوکر نك ايجون توکیوده کی جمعیت اسلاميه به مراجعت ایتکه بولندقلری اکلالمشدر . مسلمان اولانلر میانشده ژاپونیا اعیان و اشرفندن بر جوق ذواتکده داخل بولندقلری مذکور غزته طرفندن تبشیر ایدلمشدر . فروض دینیه ايله اوامر و احکام مقدسه شرعیه نك اوقات معینه مفروضه ائساننده کال اعتنا و احترام ايله ایفا اولنمیچون توکیوده بر جامع شریفک انشاسی تصور و تذکر ایدیلرک امر خیر مذکورک قومدن فعله چیقارلمسنة صوک درجه بذل غیرت و فعالیت ایدلمکده در .

روسیه :

محاربه اولورسه روسیه ده کی مسلمانلر اشتراک ایدم جگمی . — عمومیتله روسیه ده بولنان اسلام غزته لری روسیه حکومتک توسط حقنده اتخاذ ایدم جکی مسلکی تنقید ایتکه برابر ، روسیه اردوسنده حرب زمانلرنده اشتراک ایدم بیلجک ایکی یوز بیک قدر اسلام « صالوات » ک [عسکرک] هیچ بر جهنله قفقاسیه حدودی سوقیانشدن خوشنود اوله میه جقلرینی لسان تأسف ايله بیان ایتکه در . ذاتاً روسلرک امور داخلیه سنده اولان خوشنود سزلق لوده حرکات عسکریه به مساعد اولدینی علاوه اولونمقده در .

ترکستان :

ترقیات اقتصادیه . — ترکستانده باموق نجارتی هر سنه تکامل وترقی ایتکه اولدینی کي بو یوزدن عموم ترکستان مسلمانلرنده اقتصادی بر تفوق کورولور . هر شهرده مکمل باموق تمیزلر فابریقلر انشا ایدیور ، طرز جدید اصول زراعت تطبیق اولنیور ، الحاصل فوق العاده ممنونیت بخش بر ترقیات اقتصادیه واردر . اهل ثروت سنه بسنه تزاید ایتکه در .

مدیر مسئول : اشرف ادیب

مطبعة مساعی

ایکنجی طبی

هندستان مسلمانلریله بت پرستلری . — (بنغاله) ده منتشر (ذی کومرید) جریده اسلاميه سنده کورولدیکنه نظر آ بوکره هند مسلمانلریله بت پرستلری ارمسند براتلاف حاصل اوله رق بوندن صکره بالعموم ممالک شرقیه و اسلاميه به تجاوز ایدن اوروبا دولتلری حقنده تطبیق و تعقیبی لازم کان معاملاتک هرایی طائفه جه مشترکاً تشبث اولنمی قرار کیر اولمشدر . ژاپونیا ده نشر اسلام ايجون . — هندستان غزته لرنده اوقوندیغنه کوره انجمن حایه اسلامک بوم مخصوصی مناسبتیه شباطک ۲۶ نجی کونی لاهور شهرنده اسلاملردن مرکب انعقاد ایدن انجمن مذکور ايله اسلام مکتبلری نامنه جمع اعاتات ونشر اسلام مقصدیه پنجاب اسلاملردن مهم بر هیئت مخصوصه نك ژاپونیا به اعزامنه قرار ویرمشلدر . هیئت مذکور ژاپونیا ده ایکی آله جق در .

چین :

چین مسلمانلرینک تشبثی . — (هونغ قونغ غازه ت) جریده سنده یازدیغنه نظر آ چین مسلمانلری طرفندن ایتالیا امتعه و تجارتیه بوقوتار اعلان ایدلمش و طرابلس و بنغازی مجاهدلرینه ارسال ایدلمک اوزره اعاتات تقديه درجه باشلالمشدر . اعاتات مذکور جمع وارسالیه اشتغال ایتک ايجون بر قومیسبون تشکل ایدوب ریاستنده (مولوی خیر الدین صاحب) تعیین اولمشدر .

ژاپونیا :

ژاپونیا ده هندلی مسلمان طلبه سی . — توکیوده منتشر « اسلام » غزته سنده اوقوندیغنه کوره بوندن اون سنه مقدم ژاپونیا ده هندلی طلبه ایکی اوچ کیشی بولنوردی . بش سنه مقدم ده هندلی طلبه نفس توکیوده اوتوز قدر اولوب کندیلرینه مخصوص بر خانه لری دخی بولنیور ایدیسه ده بولنرک کافه سی مجوسی اولوب ايجلرنده بر نك مسلمان یوقدی . شیمدی ایسه الهی آلمش قدر هندلی طلبه دن یکرمی قدر مسلمان بولندینی و امور اجتماعیه ده مسلمان طلبه لری دیکر لرینه رهبرک وظیفه سی ایفا ایتکه اولدقلری کوریلکده در . « توکیو — اسلام »

آلتون هند جمعیت سیاسیه سی . — بوکون مرکزی توکیوده « آلتون هند » عنوانیه بر جمعیت سیاسیه تشکیل اولمشدر . بوجعیتک مهم ارکانی هندلی اسلام طلبه سی اولدینی مع المشار مشاهده اولنمقده در . ژاپونیا ده هندلی مسلمان تجاری مهم بر موقع احراز ایدیور . « اسلام »

ژاپونیا مسلمانلرینک حسیاتی . — ژاپونیا نك پای تختنده انتشار ایدن انکلیزجه (اخوت اسلاميه) غزته سنك بیانیه نظر آ ژاپونیا اهالی اسلاميه سی طرفندن ترتیب ایدیلن بر متینغه عثمانلی - ایتالیا محاربه سنه دابر متعدد نطقلر وقوتفراسلر ابراد اولنوب ایتالیا لارک آفریقای عثمانیه اجرا ایدلکلی مظالم و تجاوزات حقنده بیان نفرت و اشمزار ایدلکدن صکره انسانیت نامنه (میقادو) حضرتلرینک مداخله سی طلب واسترحام اولدینی کي .